

帶月敲扉蓮籌初報不吠繫鈴犬  
椿庭誤心豔金夫袍  
袷偃懷燈下頻勸也知冰案燃犀澈黑白青蠅難亂雲乍  
轉引渡鵲雙星竟到銀河畔五花紛判看樺燭光中新妝  
華耀分貼翠花鈿

不垂楊傳奇敘

丙子秋泌陽令楊公夢蓮以女有士行詩集見示載本縣  
楊貞女事甚悉披讀一過神爲之移因謂夢蓮曰此事之  
奇而不詭於正者也與其形諸歌詠止供文士披吟孰若  
播之管絃使氓庶咸知觀感乎夢蓮唯唯余亦不敢以不  
文辭遂採集中原記取諸公鉅製譜成六齣名曰不垂楊  
以廣其意夫楊女之守貞不二若出性成異矣尤可異者  
夢蓮恂恂儒雅書生耳宰慈邱不及一載而風化之速及  
於閨門何也噫余知之矣竊見司民牧者大率以長駕遠